

Туркиялик энг баланд кишининг бўйига мос жойнамоз совға қилинди



14:00 / 24.03.2021 2560

Туркиянинг Мардин вилоятида яшовчи Султон Кўсенга муфтийлик вакиллари унинг учун махсус тайёрланган совғаларни топширди. Бу ҳақда маҳаллий оммавий ахборот воситалари хабар тарқатди.

Бўйи 2 метру 51 сантиметрга тенг Султон Кўсен дунёнинг энг дароз кишиси сифатида Гиннесснинг рекордлар китобига кирган. Мардин вилояти муфтийси Али Хайри Челик ва унинг ёрдамчиси Али Четин намоз ўқиши қулай бўлиши учун унга узунлиги 2 метрли жойнамоз совға қилишди.

Бундан ташқари, Султонга тасбеҳ ўгириши қийин бўлмаслиги учун тошлари йирик тасбеҳ ва катта Қуръон китобини ҳам беришди.

Шундан сўнг ҳаммалари жамоат бўлиб намоз ўқишди. Султоннинг айтишича, шу пайтгача кесилган гилам бўлагининг устида намоз ўқиб келган.

Манба: azon.uz